


一本堂行餘醫言

世下

荊

198
19



一本堂行餘醫言卷之二十二下



香川修德太冲父 著

痢 力至切
音朴

痢疾者。臍腹痛。大便膿血。裏急後重。頓併窘迫。日夜數十行是也。其初水瀉一二行。或十餘行。續乃出腸垢。白粘如鼻涕。稀痰精汁。或如雞子白。如葛粉糊。如新出桃膠。脂而後出血。或膿或膿血相雜。或下純血。或下瘀血。成片如雞肝。或腸垢中牽一條血絲。或五色雜下。或下黃糜汁。或

如豆汁或腸垢色黃或赤黑褐色下物不一不歷水瀉直
 下膿血諸色者亦間有之其痛多在臍以下旁及小腹若
 中腕鳩尾痛必是劇證如有宿癥則多是癥痛須詳辨審
 察痢痛與癥痛施用方法何謂裏急曰腸內之氣下迫奔
 逆有屢屢欲後之意謂之裏急又曰內逼下迫努力努責
 素問云少腹堅滿裏急暴痛至真要大論又云兩脇裏急同上
 又云裏急支滿五常政大論又六元正紀大論又見八十一難傷寒論
 何謂後重曰內氣下走欲出而肛門括縮閉固不得輒出

謂之後重又曰下重重下

素問云濕下重六元正紀大論足痿下重至真要大論按二書俱為下體重之義非

後重之意傷寒論云熱利下重又云下利脉沈弦者下重又

云泄利下重又云清便下重又重下見外臺秘要所引肘後

文中備急古今錄驗

大便度數少者自五五行及十二三行多者或至二百餘
 坐少者或可畏而多者不必憂何則輕重不在行坐之多
 少而在諸證之劇易故度數多而輕者以一二日間急速

瀉盡滯瘀故也。重者由頻併窘困愈下愈急元氣不能接續也。又其度數少而重者以不能速泄毒氣沈滯增鬱蒸熱故也。輕者至淺不足言也。大略輕者腹痛微裏急後重亦微能食無熱脉沈緩重者腹痛甚裏急後重亦甚不能食身熱脉大數煩躁乾嘔或發噦或下如魚腦髓如塵腐色如屋漏水或下純血黑汁臭穢特甚此皆危證。又有毒氣劇甚下迫重墜則虛坐努力不可忍耐終至于大孔痛及脫肛如小兒痢最善脫肛由形肉柔軟也。凡要繫其輕

重生死之極則無他依能食與不食可以決其吉凶耳。故其不食者後世謂之禁口痢尤險證可畏也。古云惡痢毒痢未有過于此者矣。原夫痢疾在靈素謂之腸澼。

靈樞云春傷於風夏生後泄腸澼。論疾診尺篇素問云

下為飧泄久為腸澼。太陰陽明論又云腸澼下白沫何如曰

脉沈則生脉浮則死又云腸澼下膿血何如曰脉懸絕則死滑大則生又云腸澼便血何如曰身熱則死寒則生又云腸澼之屬身不熱脉不懸絕何如曰滑大者曰

生懸瀆者曰死已上通評又云腎脉小搏沈為腸澼下

血血温身熱者死心肝澼亦下血二藏同病者可治其

脉小沈瀆為腸澼其身熱者死肝脉小緩為腸澼易治

脾脉外鼓沈為腸澼久自已大奇論○又見陰陽別論

解篇○腸澼者以腸間澼積蒸鬱遂成此證故謂之腸

澼耳痔亦腸間澼積而成者故又曰腸澼為痔生氣通

其餘素靈諸篇與飧泄混言無別者亦多

八十一難謂之大瘕泄

八十一難云大瘕泄者裏急後重屢至圍而不能便莖

中痛莖字可疑恐又云大腸泄者食已窘迫大便色白

腸鳴切痛小腸泄者溲而便膿血少腹痛○此謂大腸

泄小腸泄者竟亦即是痢也耳分三泄則歧矣非矣

魏晉南北朝隋唐謂之滯下

孫思邈千金方王燾外臺祕要所引范汪方漢師方古

今錄驗等俱稱滯下且多與腸澼連言又外臺祕要立

重下門云病源此謂今赤白滯下也令人下部疼重故

曰重下ト去膿血如雞子白ト日夜數十行ト繞臍痛也ト出第十七

卷中今考病源論無此條

張仲景特謂之下利但痢與泄瀉混說其本出於素問

傷寒論云小陰病下利便膿血者桃花湯主之○少陰

病二三日至四五日腹痛小便不利下利不止便膿血

者桃花湯主之○少陰病下利便膿血者可刺○少陰

病下利咽痛胸滿心煩者猪膚湯主之○少陰病下利

脈微者與白通湯利不止厥逆無脈乾嘔煩者白通加

金匱要論
無少陰病
三季

猪膽汁湯主之服湯脈暴出者死微續者生○少陰病

二三日不已至四五日腹痛小便不利四肢沈重疼痛

自下利者此為有水氣其人或欬或小便利或下利或

嘔者真武湯主之○少陰病下利清穀裏寒外熱手足

厥逆脈微欲絕身反不惡寒其人面赤色或腹痛或乾

嘔或咽痛或利止脈不出者通脈四逆湯主之○少陰

病四逆其人或欬或悸或小便不利或腹中痛或泄利

下重者四逆散主之○少陰病下利六七日欬而嘔渴

心煩不得眠者猪苓湯主之○少陰病下利脉微溢嘔而汗出必數更衣反少者當溫其上灸之○傷寒先厥後發熱下利必自止而反汗出咽中痛者其喉為痺發熱無汗而利必自止若不止必便膿血便膿血者其喉不痺○傷寒發熱下利厥逆躁不得臥者死○傷寒發熱下利至甚厥不止者死○發熱而厥七日下利者為難治○大汗出熱不去內拘急四肢疼又下利厥逆而惡寒者四逆湯主之○傷寒本自寒下醫復吐下之寒

金匱方論
令作令下
同
復作脉

格更逆吐下若食入口即吐乾薑黃連黃芩人參湯主之○下利有微熱而渴脉弱者令自愈○下利脉數有微熱汗出令自愈設復緊為未解○下利手足厥冷無脉者灸之不溫若脉不還反微喘者死○下利寸脉反浮數尺中自濇者必清膿血○下利清穀不可攻表汗出必脹滿○下利脉沈弦者下重也脉大者為未止脉微弱數者為欲自止雖發熱不死○下利脉沈而遲其人面少赤身有微熱下利清穀者必鬱冒汗出而解病

人必微厥所以然者其面戴湯下虛故也○下利脉數而渴者令自愈設不差必清膿血以有熱故也○下利後脉絕手足欲冷晡時脉還手足温者生脉不還者死○傷寒下利日十餘行脉反實者死○下利清穀裏寒外熱汗出而厥者通脉四逆湯主之○熱利下重者白頭翁湯主之○下利欲飲水者以有熱故也白頭翁湯主之○下利腹脹滿身體疼痛者先温其裏乃攻其表温裏四逆湯攻表桂枝湯○下利讞語者有燥屎也宜

小承氣湯○下利後更煩按之心下濡者為虛煩也宜
 卮子豉湯○傷寒脉浮而緩手足自温者繫在太陰太
 陰當發身黃若小便自利者不能發黃至七八日雖暴
 煩下利日十餘行必自止以脾家實腐穢當去故也○
 少陰病效而下利讞語者被火氣劫故也小便必難以
 強責少陰汗也○少陰病脉緊至七八日自下利脉暴
 微手足反温脉緊反去者為欲解也雖煩下利必自愈
 ○少陰病下利若利自止惡寒而踈臥手足温者可治

○少陰病下利止而頭眩時時自冒者死○若脈數不解而下不止必協熱而便膿血也○陽明少陽合病必下利其脈不負者順也負者失也互相剋賊名為負也○下利脈反滑當有所去下之乃愈宜大承氣湯○下利差後至其年月日復發者以病不盡故也當下之宜大承氣湯○下利不欲食者以有病食故也當下之宜大承氣湯○下利脈遲而滑者內實也利未欲止當下之宜大承氣湯○下利三部脈皆平按之心下鞕者急

金匱要論
日下有時

下之宜大承氣湯○下利脈大者虛也以其強下之故也設脈浮革因爾腸鳴者屬當歸四逆湯主之○下利後身疼痛清便自調者急當救表宜桂枝湯發汗○下利後當便鞕鞕則能食者愈今反不能食到後經中頗能食復過一經能食過之一日當愈○傷寒其脈微澁者本是霍亂今是傷寒却四五日至陰經上轉入陰必利本嘔下利者不可治也○太陽與少陽合病自下利者與黃芩湯若嘔者黃芩加半夏生薑湯主之○傷寒

發熱汗出不解心中痞嘔吐而下利者大柴胡湯主之。○傷寒服湯藥下利不止心中痞服瀉心湯已復以他藥下之利不止醫以理中與之利益甚理中者理中焦此利在下焦赤石脂禹餘糧湯主之復利不止者當利其小便。○傷寒中風醫反下之其人下利日數十行穀不化腹中雷鳴心下痞鞭而滿乾嘔心煩不得安醫見心下痞謂病不盡復下之其痞益甚此非結熱但以胃中虛客氣上逆故使鞭也甘草瀉心湯主之。○傷

寒汗出解之後胃中不和心下痞鞭乾噎食臭脇下有水氣腹中雷鳴下利者生薑瀉心湯主之。○太陽中風下利嘔逆表解者乃可攻之。○太陽與陽明合病者必自下利葛根湯主之。○按素問云寒至則痛急下利之病生矣。六元正記大論。○金匱方論云下利脉反弦發熱身汗者自愈。○下利氣者當利其小便。

後欲別字从疒曰赤痢又省赤字唯呼痢古今命名俱非極當故今姑從醫俗通稱直用痢字也盧和喻昌張介賓

俱失查考

丹溪纂要云仲景以瀉利滯下滾同論治故歷代諸書
 或言滯下或言利或言瀉利命名定例甚無歸一○醫
 門法律云痢疾在靈素謂之腸澼亦曰滯下○類經註
 云腸澼一證即今之所謂痢疾也自仲景而後又謂之
 滯下○素靈元不云滯下仲景亦未嘗言之謂滯下者
 魏晉南北之間始言之耳三氏誤矣

而至其所以為患則古今無明說矣推究其所因皆由腸

中之鬱滯也蓋腸中鬱滯則蒸而生熱蒸熱久則嬌府易
 糜爛而鬱熱爛腸中裏面外皮猶熱湯傷爛口裏軟皮也
 腸中既蒸熱則津液粘成腸垢腸中裏面外皮爛傷破裂
 血汁併出蒸甚則腐化成膿及變生諸色諸物譬如生瘡
 癬其初擦破外皮則唯出粘黃汁繼乃出膿血也究竟痢
 疾即是腸中之癰癤耳但腸中裏面外皮比之外面皮膚
 嬌軟易破故飲食生冷則胃化難行直乃瀉下而掠拂腸
 中裏面外皮隨觸輒破乃腸垢膿血續下此元乘于腸內

蒸鬱釀熱欲生事之時而然也。若夏秋暑邪及風寒邪氣感傷亦同前例。大概傷在腸之下際則輕。臍下小腹及腰痛是也。近于直腸則至輕。是證雖痢下日數十行而飲食如常。三四日後見塊糞如常也。傷在腸之上際則重。臍以上至鳩尾痛是也。近于胃則至重。即是禁口痢也。蓋爛傷在腸之上際而近于胃則其毒穢氣上薰胃中而胃內清純中和之氣為毒穢氣所侵犯。清氣惡穢氣自不得不發。嘔遂乃拒食禁口。胃元日餒命將難全。凡在上際之痢下

物多黃汁。即見由胃化不行也。下際之痢多常塊糞。即知胃中無妨故也。又有鬱滯蒸熱之久。釀毒至深則不拘傷之上下多成劇證。即痢下黑汁五色注雜。惡臭至甚。腹痛嘔噦發熱煩躁者是也。其裏急者以腸鬱已發。急速下走。其下走之勢急疾。故致內屢迫促。直乃瀉下一行而反後重者。肛門元氣未罷。驚覺拮縮。不使重來。奔迫之氣輒下出去。故奔下之氣為肛門元氣所攔住。內外兩氣相爭。是以愈益裏急。後重譬如有力壯夫疾走排闥而出。守門監

者不能禦之。雖然監者驚悟，合門扇下門木堅守攔住。後
 來者欲出不能出，相爭喧闐一般。其努責虛坐者，止由腹
 中下走之氣已甚，而非有物臨肛門。其所薄於肛門者，惟
 是下走之氣。氣本無形，故雖似欲出而實無所出。無所出
 而又似欲出，皆氣使之然耳。以其止虛登廁，實無所通，故
 稱虛坐。又以其用力勉強如責讓譴怒之意，故稱努責。努
 力即裏急之異稱也。若痢久努力不止，則肛門氣懣力疲，
 守踈備怠，不能括束。終至腸口自開，遺失不知。故痢久腸

滑瀉下不止者，古喚為腸滑。

千金方及外臺祕要所引范汪方、深師方、集驗方等云
 此多由當初用澁藥之所致。或以元氣疲弱，痢久而腸力
 罷極而然也。及此時也，不得行澁腸固脫之策也。大凡
 視患痢疾者，多在腸胃強厚、元氣充實之人。故病初首行
 踈滌之法，則鮮不瘥者矣。雖使形色瘦白之人，亦患此疾。
 則暗知其腸胃元氣尚有佳處。故吾門斷以病此疾者為
 元氣素厚之徵。激稱嘉事。此古今醫家未嘗經道之事。自

非詳察審考切實體認安能識得斯真乎古人獨孫思邈能知是意

千金方云余立身以來三遭熱痢一經冷痢皆日夜百餘行乃至移床就廁其困篤如此但率意自治者尋手皆愈乃知此疾天下易治但中性之徒率情驕倨良藥苦口不能克己早餌朝過暮過望其自瘥疾勢日增胃氣漸弱心力俱微食飲與藥皆不能進既不時愈便稱痢病難治斯皆自誤也學者須深達斯旨

每見此疾因誤治成重篤者過半不亦可歎惜乎已愆其時而不可下亦不可堯澁莫可奈之何終歸于命而止也
可憫哉若夫調停兩可之手段即是鄉原之伎倆豈可救其危耶故此疾首先用承氣湯下之則無不瘥者若首先踈滌漸成重危及初用不寒不熱之慢藥毒氣恣盛自至劇證者皆難治曾聞窮鄉僻村無醫藥之所患此疾者唯喫熟煮爛粥節減將息自得全愈此當有疾不治常得中醫之言耳又此疾多在夏秋之間與瘡並行故有疑于外

邪間有造是言者。雖使因外邪。然而以其所受之地。本自元氣鬱滯。將欲生事故。外邪感動之耳。若非乘腸中鬱滯。蒸熱造釀。將欲生事之時。則邪氣生冷。何階能犯觸也。雖使傷之。亦不過為一時熱瀉耳。觀其被生冷邪氣傷瀉。下直即有膿血出者。乃可以見其有蒸熱將發之基矣。又有瘧痢兼患者。是證二疾俱多。輕證易治。又有一方一家。大小傳。瘧下腹痛。所患相似者。此即後世所稱疫痢也。輕重無定。古謂之天行痢。

見病源侯論及外臺祕要所引范汪方。深師方。甲乙方。又有休息痢。一名休息下。又曰休息氣痢。

病源侯論云。休息痢者。胃脘有停飲。因痢積久。或冷氣。或熱氣乘之。氣動於飲。則飲動而腸虛受之。故為痢也。冷熱氣調。其飲則靜。而痢亦休也。腸胃虛弱。易為冷熱。其邪氣或動或靜。故其痢乍發乍止。謂之休息痢也。

外臺祕要所引肘後方。胡洽方同。又有備急文仲同證。今案肘後方無之。

又引文仲葛氏。若久下經時不愈者。此名為休息下。有肘。

後備急同證○李時珍本草綱目
縮沙仁主治引甄權云休息氣痢

此證始患輕痢多者十四五行少者三五行大便溏瀉或
黃汁間有膿血無腹痛裏急後重有亦至微以腹痛毒氣
不甚故不謹嚴加治養荏苒累日積月以至連年乍發乍
止全愈甚難畢竟痢之壞證耳由其腸間滯垢隨生隨出
習成熟路也又古人稱三十年久痢或云數十年久痢
千金方云數十年痢下又云三十年注痢又云下赤連
年外臺祕要所引崔氏方痢血數
十年文仲方赤白痢
五六年古今

錄驗三十年
寒下廩丘公

云吾患痢
三十餘年

胡洽方

數十年休
息痢下

皆然

雖未可盡信亦不可謂決無也此乃希有之事故舉舊說
以備考徵凡久痢多行之人腸力已憊元氣亦疲困自無
勞責之勢便膿遺失則雖腹痛不可敢行疎滌之法須慎
保治在小兒則疳痢即此類

較字下疑
有脫字

行餘醫言

痢

十五

本草綱目

引廣濟方

云積年疳痢羸
瘦面色痿黃

必效方

云痢初較後膿血或
變純白或成魚腦五

謂下部竅生惡瘡口裏亦生瘡者也詳見外臺祕要所
此謂後世所謂疳痢也非古之疳痢也蓋古稱疳痢者

十日以上或一二年不瘥變成疔所下如泔浚又云久痢變成疔下部竅生惡瘡惡寒壯熱羸瘦著牀欲死

古今錄驗云五疔蒸下痢近効方等

又如婦人妊中痢疾輕者不足言也若腹痛裏急後重俱甚則必多傷胎遂乃殞墮尤可畏也詳察證狀不可拘以有身反速害其母

本草綱目白楊條作孕痢

其他婦人小兒療無異方又此疾有傳染者蓋由同廁共褥則其臭穢之氣外觸而襲之自鼻口入淙于胃腸內外

感注遂同患耳不唯此疾如勞瘵痘瘡亦然皆其熱臭惡穢之氣內外侵淙而感注焉何疑之有此亦以其人有罅隙故招受之耳苟能慎飲食起居節養保護無罅可乘則何淙注之有凡痢脉宜緩或沈若大或細數者危又身清涼者輕熱煩者重已見上素靈說又要知此疾在夏日盛行之時先病者多輕證至末秋夜涼之候患之者呼為晚發多有劇疾又此疾在冬春者間亦有之唯至少耳雖其時候寒熱大異而至于腸中之鬱滯則非有不同故治法

亦無別異。凡久痢後體氣疲弱則善作腫脹微者易治甚者難治宜早通滯水勿使泛濫。

陳治證治大還云凡痢身腫者邪氣發於外也易治腹

中脹滿者邪氣攻裏也難治肚腹通身浮腫者脾憊也

此說大非也凡痢後腫者皆不易治慎勿信之所惑也

又痢後調攝不謹則漸變成勞瘵不可治也又痢後脚痛

而漸漸瘦細者後成鶴膝痺當其脚痛未瘦細之時急加

治以防之則可免矣若既成鶴膝痺不可治也後世謂之

痢風者濫也。證治要訣作風痢者益非也

李梃曰愈後餘瘀却當防恐成腫痛鶴膝風。醫學入門馮兆

張曰痢後脚漸細而軟弱名爲痢風不治而成鶴膝風

錦囊秘錄張璐曰痢後風因痢後不善調攝或多行或房勞

或感風寒或受濕氣致兩脚痿軟腫又曰痢後變成痛

風皆調攝失宜所致。醫通○張說全剽竊證治要訣

若夫白爲冷赤爲熱固配當之謬說也。

病源候論云凡痢色青色白色黑並皆爲冷痢色黃色

赤並是熱也故痢色白食不消謂之寒中也外臺秘要
所引肘後方云水下痢色白食不消者為寒下備急葛
氏亦同又千金方云凡白痢屬冷赤痢屬熱

劉完素雖詳辯頗明亦一偏於熱也

原病式云或言下痢白為寒誤也若果為寒則不能消
穀何由反化為膿也如熱生瘡瘍而出白膿者豈可以
白為寒歟由其在皮膚之分屬肺金故色白也次在血
脈之分屬心火故為血癖也是謂標也本則一出於熱

但分淺深而已大法下迫窘痛後重裏急小便赤澀皆
屬燥熱而下痢白者必多有之然則為熱明矣假如下
痢赤白俗言寒熱相兼其說猶誤豈知水火陰陽寒熱
者猶權衡也一高則必一下一盛則必一衰豈能寒熱
俱甚于腸胃而同為痢乎○張介賓曰若以愚見言之
則赤中豈必無白白中豈必無赤赤白相兼者真寒熱
同疾乎但其清濁微甚自有陰陽可辨耳雖赤痢亦有
寒證然終是熱多白痢亦有熱證然終是寒多
出類此
經註

假糶劉說而未說反益含糊究竟由拘泥赤白也何足
 取乎○龔廷賢曰白痢為寒中世之謬論也劉守真氏
 出始以白痢責之熱傷氣可謂開發群蒙萬病回春此言可
 謂愚中之一得矣○劉云白非寒之論則善矣猶且不
 能免肺金心火皮膚血脉配當之陋習劉之才而不知
 正學可惜哉而後世不惑白寒赤熱者劉之功為多
 又白屬氣赤屬血亦拘泥矣

朱震亨曰痢赤屬血白屬氣赤痢乃自小腸來白痢乃

自大腸來皆濕熱為本丹溪心法附餘李挺曰火傷氣分則下
 白火傷血分則為赤氣血俱傷則赤白相兼醫學入門○此
 亦不免氣血赤白之配當况小腸大腸即心肺之變文
 終是拘泥之見耳

設謂腸垢為白乎則猶可言矣然而古人所謂赤白謂膿
 與血則不可誤認腸垢為膿漫言赤白也又謂膿為白乎
 則猶可言矣然而血腐化成膿則氣分之傷反在血分傷
 之後耶俱不可曉通也蓋赤也白也赤白也始白後赤也

始赤後白也。總非有所異也。以此作種種之鑿說者皆不明之甚矣。如其紫黑豆汁腐臭穢物。即是惡候。直如赤白。則此疾之常態耳。據此分寒熱屬氣血。心肺小腸大腸者。皆空論也。何益於治事乎。及脾傳腎。腎傳脾。

朱震亨曰。先水瀉而後膿血者。此脾傳腎。賊邪難愈。先膿血而後水瀉者。此腎傳脾。微邪易愈。丹溪心法附餘。○凡始水瀉而後膿血者。諸痢皆然。豈為皆賊邪難愈乎。此拘土剋水之妄說。漫作空論耳。自始直下膿血者。所甚少。

而先膿血而後水瀉者。至稀矣。妄泥殊甚。

痢屬腎

虞搏曰。古方以瀉痢滾同論治。朱紫混淆。殊不知瀉屬

脾。而痢屬腎。醫學正傳。此又為朱震亨前說所誤。益液入無

媒徑路者也。

專屬暑。又暑濕為因。

李挺醫學入門。痢屬暑類。而又云。總因濕火氣血滯。血因火動。濕多成瀉。有外感暑濕。內傷酒麪多燻。消燦或

七情氣鬱而為火之實者有外感寒濕內傷生冷硬物
 積滯或房慾損傷精血而為火之虛者皆令腸胃粘溢
 久積成毒○普渡慈航云痢疾多因傷暑伏熱酒麪炙
 煇醞釀而成○錦囊秘錄云夏秋泄瀉瘧痢同乎一源
 多由暑濕傷脾所致飲食纒傷便作泄瀉為輕停滯既
 久變成瘧痢為重而瘧與痢又有分別飲食為痰充乎
 胸膈則為瘧飲食為積膠乎腸胃則為痢○後世醫說
 緊皆同此意不暇悉舉

又痢有四種謂冷熱疝蠱

千金方云冷則白熱則赤疝則赤白相雜無復節度多

睡眠澁蠱則純痢瘀血○此亦拘泥

或云痢與滯下別

孫一奎曰或有問於余曰劉河間云仲景治痢多用承
 氣但與滯下混同立論而無分別攻之諸方亦未見其
 有分治者抑河間之說不足憑歟余曰前人畧之也經
 雖無明文然顧名思義可知矣書曰夏傷於暑秋多瘧

痢痢者利也。通利之義，乃時症也。或從泄瀉而得，或從大便膿血。蓋秋令氣降，腹中穢積，因時下行而痢也。彼滯下者，滯是積滯之滯，不因時令，不由泄瀉，而竟裏急後重，垢膩之物，頻併而下也。豈可同日語哉？故滯下之症，始得之多，用推陳致新，迎而奪之之法。至於治痢，有用補法者，有用澁法者，有燥濕者，有升提者，有消之者，有溫之者，有分利者，有下之者。然初時不敢遽以藥下之，因時制宜，必審其胃實積固，乃敢推蕩耳。余故云痢

者，兼令氣而言也。滯下者，四時皆有之，名既別，則治法當有徑庭矣。赤水此大謬中之尤妄者也。吁！醫人之黠智者，敢鑿而遂至于盲聾矣。孫一奎即其首也。又謂腸無血者，甚非也。人身何所無血？腸胃固有血，而其活物，故神去則隨散，不知所之色，亦倏爾而變，如始無之者，其謂無血者，觀死腸故也。錦囊秘錄痔條云：腸胃本無血，而有下血者，大腸之病也。大腸何以病下血？邪以感之也。○此說大非也。如痢

疾血亦同夫大腸已非腸乎何為自相矛盾意彼所謂腸應是直腸而直腸亦是大腸之下頭則亦不可謂之非腸也其說竟不可通

以上醫書所論皆是懸空過鑿不足取信也恐為之所眩惑故今一一舉載辨正安誤大凡吾門就正之子弟宜拒之如揚墨而可也至其濫名如水穀痢

出病源候論又云久水穀痢○外臺祕要所引必効方崔氏方文仲方同○又刪繁方集驗方古今錄驗作水穀下痢

赤白痢

同上又云久赤白痢○千金方及外臺祕要所引救急刪繁必効近効崔氏文仲方等同○千金方及外臺祕要所引深師方小品方等作赤白下

赤痢

同上又云久赤痢○千金方及外臺祕要所引集驗方必効方崔氏方同○千金方又作赤滯下血

血痢

同上又云久血痢○千金方及外臺祕要所引廣濟方必劫

方古今錄驗同○千金方又稱純血痢許仁則方亦稱血痢

膿血痢。

同上又云久膿血痢○外臺祕要所引近劫方同又許仁則方

云膿血相和痢。

冷痢。

同上又云久冷痢○千金方及外臺祕要所引廣濟方延年

方近劫方文仲方深師方同又千金方近劫方又稱久冷痢

熱痢。

同上又云久熱痢○千金方及外臺祕要所引文仲方廣濟

方同又千金方及外臺祕要所引肘後方稱毒熱下○此元出傷寒論作熱利

冷熱痢。

同上○外臺祕要立冷熱痢門引深師方刪繁方古今

錄驗近劫方崔氏方文仲方其文不完唯延年方獨全

白滯痢。

同上○千金方同外臺祕要所引古今錄驗作白滯下又外臺引千金方作赤帶下者非也

蠱注痢

外臺秘要
入作人

家作狀

同上云此由歲時寒暑不調則有濕毒之氣傷入隨經
脉血氣漸至於藏府大腸虛者毒氣乘之毒氣挾熱與
血相搏則成血痢也毒氣侵食於藏府如病蠱注之家
痢血雜膿瘀黑有片如雞肝與血雜下是也
外臺秘要
引肘後療
若時歲蠱注毒下者古今錄驗
療純痢血如鵝鴨肝并協蠱毒

腸蠱痢

同上云腸蠱痢者冷熱之氣入在腸間先下赤後下白

連年不愈侵傷於藏府下血雜白如病蠱之狀名為腸

蠱也外臺秘要引肘後凡病下應先下白
後下赤若先下赤後下白為腸蠱

魚腦痢

同上云冷熱相交故赤白相雜重者狀如膿濁而血雜
之輕者白膿上有赤脉薄血狀如魚脂腦世謂之魚腦

痢也即赤白痢候條云○又見
外臺秘要所引文仲方

胃風風下

同上云又新食竟取風名為胃風其狀惡風頭多汗膈

下塞不通，食飲不下，腹滿形瘦，腹大失衣，則臌滿，食則

洞泄，其洞泄者，痢無度也。出水穀痢，候條中，此非痢疾，蓋似而非者也。風下亦同。

又云，病寒之家，其人常自患冷，躡濕地，若足踏凍地，或

衣被薄，皆發風下，最惡。何謂風下？當風吹腰腹，冷氣徹

裏而暴下者，難治也。在久冷痢候條中。

不伏水土痢。

同上云，夫四方之氣溫涼不同，隨方嗜欲，因以成性。若

移其舊土，多不習伏，必因飲食，以入腸胃，腸胃不習，便

為下痢，故名不伏水土痢也。即水穀痢是也。此非真痢，後或成痢。

蠱毒痢、五痢、泄清痢、白赤痢、滯下。

見千金方。

泄痢。

同上。又云久泄痢。按神農本草五色石脂、雲實、黃連等條云：泄痢，腸澀膿血。又黃芩、藜蘆等云：腸澀洩。

痢，礬石條云：洩痢，白沃。

疝痢。

同上。○外臺秘要所引近効方同。又必効方云：冷疝痢，外臺秘要云：久疝痢。

疳濕痢。

同上○外臺祕要所引古今錄驗同。

渴痢。

同上○外臺祕要所引古今錄驗云熱渴痢。病源元有痢兼渴候。

赤白滯下。

同上○外臺祕要所引范汪方深師方同。

洞痢。

同上○又出千金翼方。

暴痢。

同上○又云卒下痢。外臺祕要所引古今錄驗云寒急下。

疰痢。

同上○外臺祕要所引深師方廩丘公方稱大疰痢。

久痢。

同上。又云○外臺祕要所引小品方云下血連歲崔氏左云痢血數十年文仲方

云赤白痢五六年古今錄驗云三十年寒下廩丘公云下痢三十年○千金已云二十三十年常下痢又云三十年久痢又云三十年疰痢又云數十年痢下。

五色痢。

見外臺祕要所引張文仲方。

○病源候論云亦有不及成腫而五藏傷敗水血並

下而五藏五色隨之而出謂之五液俱下也凡如此者多死

青下白下。

同上文仲方

按素問云下白即此也至真要大論

白痢。

同上引病源候論而病源有白滯痢無白痢條元出千

金方○又見必效方

白膿痢。

同上引廣濟方延年方

又許仁則方云膿痢

水痢。

同上所引廣濟方文仲方經心錄許仁則方同○又云

水下引肘後方

又云久水痢

引文仲方○本草綱目引孟詵云暴水痢

穀痢。

同上所引許仁則方云

腸澼痢。

同上許仁則方又神農本草乾薑條云腸澼下痢

積痢。

同上所引文仲方

寒下。

同上所引范汪方古今錄驗肘後方備急葛氏同引肘後方

云水下痢色白食不消者為寒下○按此元出素問六元正紀大論詳見泄瀉門中寒泄下

熱毒痢。

同上所引廣濟方文仲方○千金方古今錄驗稱熱毒

下○千金方又有蠱毒痢

注下赤白。

見素問六元正紀大論至真要大論同○又按至真要大論云注泄赤白又云少腹痛下沃赤白

洩澼。

出神農本草滑石條又殺羊角條云洩澼又見名醫別錄赤石脂黃連等條

卒澼。

出名醫別錄赤小豆條又綠豆條

于徐醫言

痢

二十九

一本堂藏書

久洩癖。

見名醫別錄白鑠條。

赤下。白下。

同上。鼠尾草條。

濕毒腸癖。

見蘭室秘藏。

氣痢。

出仁齋直指。○按金匱方論有氣利字。此後人所添也。

八種毒痢。

見和劑局方。但無名目。又云八痢。又云五種下痢。

勞痢。

出證治要訣。云勞痢。因痢久不愈。耗損精血。致腸胃虛空。變生他證。或五心發熱。如勞之狀。

酒痢。

見本草綱目。丝瓜條。引經驗良方。酒痢。便血。腹痛。或如魚腦。五色者。

瘀血痢。

出丹溪纂要。

瘡痢。

見本草綱目楮葉條引楊炎南行方

蟻虫痢。

出醫宗必讀○赤水玄珠稱蟲痢

疫毒痢。

出赤水玄珠引大全良方○張璐醫通引周慎齋云有一方

長幼相洙者謂之時疫痢

紅痢紅白痢。

見濟世全書

刮腸。

戴思恭曰諸病壞證久下膿血或如死猪肝色或五色

雜下頻出無禁有類於痢俗名刮腸此乃臟腑俱虛脾

氣欲絕故腸胃下脫若投痢藥則誤矣證治要訣又馮兆張

曰至有毒氣侵胃是以飲食不食肛門寬大深黑可畏

腹肚疼痛裏急後重頻滴鮮血者名曰刮腸錦囊秘錄

瀉痢。

馮兆張曰：瀉痢肚大停積，而又下飲食不為肌膚氣臭，而大便閉澁。錦囊秘錄○此非痢疾，何得加痢名入此門乎？
虛痢。

出景岳全書

風痢。

三因方云：病者因風停於膚腠，乘虛入腸胃，風動血，故便清血，或下瘀血，注下無度，名曰風利。古方以此為蠱痢，非也。又云：夫便血有腸痔、蠱毒、熱痢、酒痢、血枯、肺痿。

等別有門類，其如風痢亦當在痢門，以純下清血，故附

于此。便血後不可不知。

食積痢。

見濟世全書

遠年痢。

出祕方集驗

天行痢、疫痢、休息痢、休息下、休息氣痢、孕痢、禁口痢。禁一作紫

俱見上。○按禁口痢出百一選方

皆是支離紛擾無益于治事際不取用為是

按外臺祕要所引許仁則云此病有數種有水痢有穀
痢有血痢有膿痢有膿血相和痢者有腸澼痢者色數
雖多其源則一皆緣飲食不節將息失宜也是言為稍
知要領

朱震亨曰仲景治痢可溫者溫可下者下

丹溪心法附
餘作仲景治

痢疾溫者五法或解表或利小便或待其自己區別
可下者十法易治難治不治之證至為詳密然猶與滯下衄同

立方命論

猶以下作但與瀉同立論不
分學者當辨之○以下無

其後劉河間分

別在表在裏挾風挾濕挾熱挾寒挾虛明著經絡隄防
傳變大際發明滯下證治尤為切要發揮

楊士瀛曰諸有積以肚熱纏痛推之諸有氣以狀如蟹
渤驗之究其受病之源決之對病之劑大要以散風邪
行滯氣開胃脫為先不可遠用肉豆蔻訶子白朮輩以
補任寒邪不可遠投罌粟殼龍骨牡蠣輩以閉澀腸胃
邪氣得補而愈盛補之愈盛而愈作不為纏擾撮痛則

為裏急後重所以日夕淹延而未已也雖然風寒暑濕感之於外者也有大嚼傷飽宿酒漿醢醢以成積滯房闈縱情加奔走勞役以耗精血此非病生於內者乎必明別內外而權度之則受病淺深用藥輕重知有定嚮矣母緊曰無積不成痢仁齋直指

陳言曰經中所載有血溢血泄血便注下古方則有清膿血及泄下近世並為痢疾其實一也但以寒熱瘡蟲分為四門未為至當且瘡蝕瘡膿中蟲下血與利膿血

證狀大別瘡蝕雖下赤白當在瘡濕瘡門蟲利清血當在中毒蠱門今之滯下赤白者至多皆是冷熱相搏非于瘡濕蝕瘡類下利清血亦多與中蠱毒者大異臨牀須詳不可道听治法差互立見天傷勉之勉之三因

劉純曰按滯下之證古人多與泄瀉同論至三因方始能別立條目蓋實有不同諸方雖有寒熱虛實之論劉河間則以為一出於熱然攷之內經似亦熱多而寒少也我丹溪先生則以為亦有挾虛挾寒之證深戒學者

須宜識此世之局方不辨三因專用滋熱之藥其失甚矣至河間立說專用苦寒踈下之藥則亦未甚為當何則蓋病有虛實治有先後若病氣暴至元氣壯實積滯膠固須宜下之病久氣脫腸胃虛滑不禁者亦宜溫之滋之大抵治痢當從仲景河間之法可溫則溫可下則下或解表或利小便或待其自已劉河間分別在表在裏挾風挾熱挾寒等證後之作者無越於斯玉機微義

徐春甫曰凡痢疾之證要審患人體氣厚薄曾無通瀉

寢恐浸字

及用攻積苦寒之藥多寡診其脉有力無力及正氣邪氣有餘不足對證施治未為弗効也今醫治痢峻用下劑及苦寒破滯太過鮮不以為後艱况年高與體弱者遂致元氣虛陷反不能支胃氣既虛其痢益甚有脉微陽氣下陷入陰中則脫血陣陣而下者醫尚謂為血痢不已仍用苦寒寢致脉絕四肢厥冷而死者曷可勝紀且今世人之患痢疾者多有脾胃先虛而後積滯通滯下劑亦惟酌量斯可矣稍有過之遂至虛脫難收桑榆

之効蓋有由焉古今醫統

張介賓曰痢疾之病多病於夏秋之交古法相傳皆謂
炎暑大行相火司令酷熱之毒蓄積為痢今人所宗皆
此一說夫痢因於暑而言其為熱豈不宜然然炎熱者
天之常令也當熱不熱必反為災因熱貪涼者人之常
事也過食生冷所以致痢多見人之慎疾者雖經盛暑
不犯寒涼則終無瀉痢之患豈其獨不受熱乎此其病
在寒邪不在暑熱病在人事不在天時從可知矣但胃

強氣實者雖日用水果之類而陽氣能勝故不致疾其
次之者雖未即病而日用日積迨夫大火流西新涼得
氣則伏陰內動乘機而起故寒濕得以犯脾者多在七
八月之間此陽消陰長之徵最易見也再其次者多以
脾腎本弱則隨犯隨病不必伏寒亦不必待時尤為易
見夫以生冷下咽瀉痢隨起豈即化而為熱乎奈何近
代醫流止見此時之天熱不見此人之臟寒但見痢證
開口便言熱毒反以寒涼治生冷是何異雪上加霜乎

以胃強陽盛
元氣壯實而
感濕傷邪者
失無之理也
惡亦何說耶

行食醫言

卷之二十二下

一才堂藏書

俗見相同死者不可勝言矣或曰然亦有用寒藥而愈者何也曰以胃強陽盛之人而得濕成熱者亦有之以元氣壯實而邪不勝正者亦有之此皆可以寒治而愈亦可以通利而愈而此輩極少以胃弱陽虛而因寒傷臟者此輩極多若再用寒涼或妄加蕩滌則無有不死觀丹溪曰瀉痢一證屬熱者多屬寒者少戴原禮曰以酷熱之毒至秋陽氣始收火氣下降因作滯下之證皆大謬之言也不可信之

景岳全書

張璐曰及觀先輩論痢並以白沫隸之虛寒膿血隸之濕熱至守真乃有赤白相兼者豈寒熱俱甚於腸胃而同為痢之說丹溪從而和之遂有赤痢從小腸來白痢從大腸來皆濕熱為患此論一出後世咸為痢皆屬熱恣用苦寒攻之蒙害至今未已即東垣之聖於脾胃者猶言濕熱之物傷於中而下膿血宜苦寒以疏利之膿血稠粘數至圓而不能使脉洪大有力者下之亦認定膿血為熱曷知血色鮮紫濃厚者信乎屬熱若瘀晦稀

行餘醫言

痢

二十七

一才堂藏書

淡或如瑪瑙色者為陽虛不能制陰而下非溫理其氣
 則血不清理氣如爐治分金最為捷法設不知此際行
 疏利之法使五液盡隨寒降而下安望其有寧止之日
 哉張氏醫通

論曰痢之一證諸論紛紛蓋古醫之昏昏在赤白分
 冷熱而至于施治則疏滌為多矣劉完素醫中之傑一
 出發明啾啾乎白非冷之說而偏于為熱朱震亨亦是
 劉之說差有解語李杲亦認定膿血為熱此三氏於痢

疾為善自昭昭也如楊士瀛曰不可遠用訶黎勒罌粟
 殼肉荳蔻白朮又母慄曰無積不成痢陳言曰以寒熱
 疳蠱分四門未為至當劉純曰治痢當從仲景河間之
 法俱為一得有益于治事故舉示焉後醫之昏昏在強
 辨寒熱妄陷過鑿如徐春甫張介賓張璐是也其謂今
 醫治痢峻用下劑及苦寒破滯太過鮮不以為後艱且
 今世人之患痢者多有脾胃先虛而後積滯或謂伏陰
 內動乘機而起故寒濕得以犯脾者多在七八月之間

以胃弱陽虛而因寒傷臟者此輩極多或謂後世咸為
 痢皆屬熱恣用苦寒攻之蒙害至今未已陽虛不能制
 陰而下非溫理其氣則血不清類皆畏惡疏滌好愛
 補佳巧語甘言全是薄俗之媚說也其他強辨之黠徒
 如喻昌馮兆張亦皆無出此列况下之者乎何足以論
 哉

又有痢後肛門痛醫書多稱大孔痛

按本草綱目訶黎勒條引大明云患痛人肛門急痛和

蠟燒烟熏之及煎湯熏洗○又按朱震亨治一人年二
 十性好酒色奉養過厚適有事多憂恐患瘡發寒熱忽
 一日大發熱大便下皆是積滯極臭大孔極痛呻吟不
 絕其孔陷入囑付後事予曰此大虛也脉皆弦大而浮
 遂以瓦片令敲如銅錢員樣燒紅投入童便中急乘熱
 取起令乾以紙裹安痛處其時寒恐外寒乘虛而入也
 以人參當歸陳皮作濃湯飲之食淡味至半月而安○
 又孫一奎曰又有用瓦片燒紅投入槐花湯照上用者

又久下赤白大孔痛不可忍炒鹽熨之又炙枳實熨之

赤水玄珠○徐春甫曰仲景治肚痛一曰溫之一曰清之今古

醫統今按仲景元無此語徐失考究

又有脫肛者此由重下甚也如小兒痢更多有此證以其

體軟而未固也須考脫肛門施治

附字辨

痢即利之疾也本是利字以混通利字加疒以別之也始

稱下利後加疒作疒痢又省疒字單曰痢耳而正字通疒

為俗字非也痢亦俗字故說文無之與疒何異故康熙字

典引集韻音下痢疾也。可以見也李挺曰痢者利也法當

利下耳亦非也此雖滯下而就其登廁頻數喚做下利但

以非常快利故加疒頭善稱病狀之實又作疒疒並非也

按劉熙釋名云下重而赤白曰疒言厲疒而難也然考諸

字書疒元同疒大腹也說文玉篇不載唯字彙云與疒同

久痢也康熙字典云廣韻同疒又按疒玉篇云竹世切牛

頭病康熙字典作半又赤白痢音帶疒下病也洪武正韻

字彙正字通俱云久痢也。又字彙正字通並云下重而赤白曰滯。又音帶赤滯白滯。婦人下部病亦單作帶。蓋諸書由滯下與帶下至相近。故誤矣。究竟滯帶二字非痢事。決不可用也。夫滯下者元由雖利下數行而停滯不輒下。故謂滯下耳。非由帶字明矣。若从月从疒以爲滯義不通。殊甚。

行餘醫言卷之二十二下畢

古義堂遺書目錄

文泉堂發行

古義點四書白文

全五冊

古義點五經正文

全十一冊

仁齋先生著述

本板

論語古義 十冊

孟千古義

七冊

中庸發揮 一冊

大學定本 一冊

童子問

三冊

語孟字義 二冊

古學先生文集 三冊

古學先生詩集

一冊

本寫

古學先生和歌集 一冊

易乾坤古義

附大象解 一冊

春秋經傳通解 二冊

日札極論

一冊

文式

一冊

續近思錄鈔

一冊

摺石

本板

古善堂目錄

古學先生三行物行書

東涯先生著述

德必有隣

雲行雨施

大學定本釋義 一冊

中庸蕪揮標釋 二冊

童子問標釋 一冊

周易經翼通解 十冊

制度通 十二冊

名物六帖 六冊

經史博論 四冊

辨疑錄 四冊

古學旨要 二冊

古今學變 三冊

經學文衡 三冊

刊謬正俗 一冊

釋親考 二冊

通書管見 一冊

唐官鈔 三冊

歷代官制沿革圖鋪 二冊

復性辨 一冊

新刊助字考 二冊

新刊用字格 四冊

秉燭譚 五冊

學文關鍵 一冊

本寫

鄒魯大旨 二冊

訓幼字義 八冊

紹述先生文集 二十冊

紹述先生詩集 十冊

勢遊志 一冊

論語古義標註 二冊

孟古義標註 一冊

語孟字義標註 二冊

畢集註標釋 六冊

周易傳義考異 九冊

讀易圖例 一冊

讀易私說 一冊

周易義例卦變考 一冊

春秋胡傳辨疑 二冊

文集附錄 一冊

三奇一覽 一冊

名物六帖 七冊

間居筆錄 三冊

己丑筆記 庚寅日錄 一冊

東涯漫筆 二冊

大極管見 一冊

聖語述 一冊

經史論苑 一冊

天命或問 一冊

帝王譜畧 四冊

本朝官制沿革圖考 六冊

古善堂目錄

古善堂

種十三抄雜

後漢官制	一冊	三韓紀畧	二冊	朝鮮官職考	一冊
倭漢紀元錄	一冊	盍簪錄	四冊	盍簪餘錄	二冊
輶軒小錄	一冊				
先游傳	一冊	詩經要領	一冊	佔俾漫鈔	一冊
集語鈔	一冊	古官	一冊	宮殿門考	一冊
宮室名號	一冊	閱史隨鈔	一冊	國事襍語	一冊
考古襍編	一冊	倭漢通信雜誌	一冊	朝鮮雜誌	一冊
鷄林軍記	五冊	朝鮮國諺文字母	二冊	文體辨畧	一冊
雜雋手錄	一冊	肆言類雋	一冊	東牘套語	一冊

本寫

尤氏熟語	一冊	須記詩選	一冊	明詩絕奇	一冊
東涯詩話	一冊	東涯談叢	一冊	姓林全書	二冊
五音五位訣十例	一冊	避諱書	一冊	異名考	一冊
朝野通載	三冊	同續集	三冊	同新集	一冊
當世詩林	一冊	同續編	一冊	同遺編	一冊
時英文雋	三冊	同續編	二冊		
東所先生著述					
古義抄翼	七冊	中庸發揮抄翼	二冊	詩解	十八冊
詩解名物	一冊	操觚字訣	十五冊	古學十論	一冊

本實雜論 一冊	譯林 五冊	譯原 三冊
助字考小解 二冊	四聲彙辨 五冊	集帖姓名 二冊
脩成先生文集十冊	脩成先生詩集 五冊	

平安書肆

寺町二條下町

林權兵衛

